

Lo sigui si cu otro procedura legal

Aruba Birdlife lo no apela casonan sumario Bubali

ORANJESTAD – Aruba Birdlife Conservation (ABC) a indica cu lo no apela e verediconan den e casonan di Bubali manera recien esun contra e proyecto Azur condominium na Bubali Plas. Sinembargo nan ta sigui e caminda legal pa para construcion den e area.

E fundacion a cuminsa cu casonan pa para e proyectonan di construcion den e area cu ta cay den e zona berde unda mester proteha naturalesa.

Den e ultimo caso contra Azur e hues a mostra bon cla cu e no kier uza e instrumento di kort geding (caso sumario) pa cumpli cu e demandanan di ABC pa para e proyecto, asina e fundacion ta splica.

Awor e fundacion ta conveni cu por bringa exitosamente cualkier ponencia den e casonan. Sinembargo lo no uza

e procedura di caso sumario sinembargo e bodemprocedure (caso profundo) cu ta tuma mas tempo (mas o menos 1 año) pa hues yega na un veredicto.

Ademas e fundacion a cuminsa un peticion, manera Bon Dia Aruba a trece varios biaha.

Awor nan a colecta mas cu 8000 firma pa asina para e destruccion di 16 area di naturalesa importante.

Un area ta concerni esun cu e mangelnan na Savaneta.

E fundacion ta bisa cu nan no ta na fabor di e proyecto di hotel na Isla di Oro den e area ki, un proyecto di inversionista Venezolano.

ABC a informa gobierno oficialmente di nan punto di bista na april hunto cu otro NGO nan cu tambe ta contra e proyecto aki.

